

Na osnovu člana 35. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14 i 13/14), a u skladu s članom 8. Statuta Federalnog zavoda za zapošljavanje Sarajevo, Upravni odbor je na XXXII. sjednici, održanoj 26.12.2014. godine, donio

O D L U K U
o privremenom finansiranju potreba Federalnog zavoda za zapošljavanje Sarajevo za period od 01.01. do 31.03.2015. godine

Član 1.

Ovom odlukom odobrava se privremeno finansiranje potreba Federalnog zavoda za zapošljavanje Sarajevo za period od 01.01. do 31.03.2015. godine.

Privremeno finansiranje potreba Federalnog zavoda za zapošljavanje Sarajevo, za koje sredstva u cijelosti obezbjeđuje Federalni zavod za zapošljavanje Sarajevo, vršit će se najviše do visine tromjesečnog prosjeka utrošenih sredstava za 2014. godinu.

Član 2.

Ostvareni prihodi i primici, te izvršeni rashodi i izdaci ostvareni u periodu privremenog finansiranja bit će uključeni u Finansijski plan prihoda i izdataka za 2015. godinu.

Član 3.

Provođenje ove odluke vršit će se u skladu s odredbama i procedurama utvrđenim u Zakonu o budžetima u Federaciji BiH, a za provođenje iste odgovoran je direktor Federalnog zavoda za zapošljavanje.

Član 4.

Ova odluka stupa na snagu danom donošenja od strane Parlamenta Federacije Bosne i Hercegovine, a primjenjivat će se od 01.01.2015. godine, najduže do 31.03.2015. godine.

Broj: 01/1-14-8876/14
Datum: 26.12.2014. godine

Po Ovlaštenju predsjednice
Upravnog odbora Marijane Milinović
broj: 03-49-6363/14 od 02.10.2014. godine

Rada Lukić

O B R A Z L O Ž E N J E

I – PRAVNI OSNOV

Pravni osnov za donošenje ove odluke sadržan je u čl. 35. i 38. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14 i 13/14), te članu 8. Statuta Federalnog zavoda za zapošljavanje.

II – RAZLOZI ZA DONOŠENJE

Čl. 35. i 38. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14 i 13/14) predviđeno je da se Odluka o privremenom finansiranju potreba donosi ukoliko Parlament ne usvoji Finansijski plan prije početka fiskalne godine. Privremeno se na osnovu Odluke nastavlja finansiranje poslova, funkcija i programa korisnika Finansijskog plana najduže za prva tri mjeseca fiskalne godine. Odluku o privremenom finansiranju donosi Parlament.

Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu.

Odluka o privremenom finansiranju potreba Federalnog zavoda za zapošljavanje Sarajevo za period od 01.01. do 31.03.2015. godine pripremljena je zbog okolnosti u konstituiranju Parlamenta Federacije BiH, uključujući Dom naroda, te velikog rizika da on neće biti konstituiran do kraja 2014. godine. Cilj je obezbjeđenje sredstava za nesmetano izvršenje obaveza predviđenih Finansijskim planom Federalnog zavoda za zapošljavanje za 2015. godinu.